

# THE EPISTLE OF PAUL THE APOSTLE TO THE PHILIPPIANS

**1** <sup>1</sup>Shíí Paul ła'íí **Timótheus** biłgo Jesus Christ b́anaidziidíí, ́ınashood dawa Philippi golzeegee daagoĺınıhíí bich'í' k'e'ılilchii, ́ınashood yináadaadéz'iiníí ła'íí tédaat'iyehíí nłt'éeego áyłsıníí aldó' bich'í' k'e'ılilchii: <sup>2</sup>Bik'ehgo'ihí'nań nohwiTaa ła'íí Jesus Christ nohweBik'ehń biłgoch'oba'íí ła'íí bits'á'dí' ılch'í'gont'éeéhíí bee nohwich'í' goz'ąą le'. <sup>3</sup>Dahagee nohwınáshńiigee nohwichą Bik'ehgo'ihí'nań hoshkąąhń ba'ihénsj, <sup>4</sup>Dábik'ehn daanohwicha nohwá oshkąąghee shıł gozhóogo nohwá oshkąąh, <sup>5</sup>Yati' baa gozhóni dantsé daadesots'ąadı' díí jįįzhí' bee shich'odaahńiigo ngohenyááhíí ba'ihénsj; <sup>6</sup>Díí nłt'éeego bígonsj, nohwıjıí biyi' nłt'éeego nanohwik'í'iziid nkegonyaahíí Jesus Christ nádáhíí bijįį ąął łaile' doleet: <sup>7</sup>Shijıd'ı' shıł daanohshqohıí bighą daanohwicha díí k'ehgo nohwaa natseskees dábik'eh; ha'ásıtııd'á' ła'íí yati' baa gozhóni yashti'go bá sızııd'á' shıí hik'e nohwıí aldó' łahdı' Bik'ehgo'ihí'nań biłgoch'oba'íí bee nohwıká'zhı' at'ée. <sup>8</sup>Jesus Christ bits'á'dí'go ıl'ıjónıí bee shıł daanoh shqogo daanohwicha nohwaa ch'ıná nshlıınıí Bik'ehgo'ihí'nań shá yıgól'sj. <sup>9</sup>Díí bighą nohwá oshkąąh, nohwıł ıdaagozıgo ła'íí daagonohsąago nohwıł'ıjónıí dázhó ch'ıda'izkaadyú nohwá bınágohidáh; <sup>10</sup>Áık'ehgo nłt'éeego ágot'eehıí zhą nohwıł dábik'eh doleet; ła'íí nohwıjıí bił da'aniigo doo nohwaa dahdaagoz'ąą dago daahinońnaa doleet, Christ nádáhíí bijįįzhı'; <sup>11</sup>Áık'ehgo Bik'ehgo'ihí'nań ızisgo at'éeéhıí ch'ı'nah hileehgo, ła'íí án ba'ihégozı doleetlıí bighą dábik'ehyú ádaanoht'eego Jesus Christ binawodıí bee nłt'éeego áná'ol'ıjıı an'odaazlıigo ánádaah't'ıjıgo nohwá oshkąąh. <sup>12</sup>Shik'ııyú, shich'ı' ágódzaahıí yati' baa gozhóni yunáásyú be'ánágon'ąą doleetlıí bighą shich'ı' ágódzaahıí bídaagonońsı hasht'ıı; <sup>13</sup>Áık'ehgo Christ bighą ha'ásıtııhıí siláada ızisgo nant'án yánada'iziidıí ła'íí nńee dahot'éhé dádaagolıı nłt'éeego shıdaagońsıjı; <sup>14</sup>Ha'ásıtııhıí bighą nohweBik'ehń biláhyú shik'ısyú daanliınıí łąągo bi'odłá' daanłdzil daasilıjı, áık'ehgo Bik'ehgo'ihí'nań biyati' da'ıtisgo doo nédaaldzid dago, ła'íí doo biini' daahął dago yee yádaati'. <sup>15</sup>Łąągo shıdaayést's'ąáhıí

bigha shik'edaanniihgo, dagohíí ílch'í' nadaagonlkaadgo nnee la' Christ yaa nadaagolní; la'ihíí nlt'éégo shaa natsídaakesgo Christ yaa nadaagolní': 16Ílch'í' nadaagonlkaadgo Christ yaa nadaagolní'íí daazhógo ádaanii, ha'ásítíí ndi dayúweh shich'í' nagont'og le' daasho'níigo: 17Áída' la'ihíí bíl daanshoqhíí bigha Christ yaa nadaagolní, yati' baa gozhóni bá sízíggo nshí'deltííhíí yidaagotsíhíí bigha. 18Hago'at'éégo áída'? Doo hago'at'éé da, da'ádaayú ndi, daazhógo ádaaniiigo ndi, dagohíí da'aniigo ádaaniiigo Christ baa na'goni'; áík'ehgo shíí shíł gozhóq, la'íí dayúweh shíł gozhóq doleeł. 19Nohwi'okaqahíí la'íí Jesus Christ biSpirit shich'oníihíí bee shiyaa gozhóq doleełgo bígonsi, 20Doo ídaayánsdzi da doleeł, áída' doo shiini' háh dago shits'í binkááyú Christ ba'ihégoşí n'íí k'ehgo dák'ad ndi ba'ihégoşí doleełíí shíjii dawa bee hasht'íggo bikádesh'íí, t'ah hinshnaadá' dagohíí dasiitsaqá ndi. 21Shíí hinshnaayúgo Christ bá hinshnaa, dasiitsaqáyúgo híí ihí'naa doo ngonel'aa dahíí hisht'íih. 22Dayúweh hinshnaayúgo Bik'ehgo'ihí'naa bá na'isiidíí binest'á' golííhíí k'ehgo dayúweh ídaagowa': áída' hadíí nágodish'aahíí doo bígonsi da. 23Díí nakigo goz'aaníí dázho baa natséskees, dahdisháhgo Christ bíl hishłeehíí dázho háshł'íí; áí itisgo shíł nzhq: 24Áída' dayúweh hinshnaahíí itisgo nohwá nzhq. 25Áík'ehgo díí bígosłsıjıd, dayúweh hinshnaago daanohwigha nohwıł daagonshıjı doleełgo, nohwı'odla' nłdzilgo la'íí bee nohwıł daagozhóqgo dayúweh nohwá daagowahíí bee nohwich'odaashnii doleeł; 26Áík'ehgo nohwaa násdzaahíí bigha Jesus Christ binkááyú shaa nohwıł daagozhóq doleeł. 27Dáhagot'éégo shich'í' godeyaayúgo, Christ nlt'éégo baa na'goni'íí bikísk'eh ádaanoht'eego ádaanoşı: áík'ehgo nohwaa niyáago nohwish'ıjı, dagohíí doo nohwaa niyáa da ndi, dálelt'eego natsídaahkeesgo la'íí. dała'á daanohwiini'go yati' baa gozhóni ch'odlaaníí bá nłdzilgo nasozıjıgo, la'íí nłdzilgo bá nada'ohsiidgo nohwa'ikonşı doleeł; 28Nohwik'edaanniihíí doo bédaaldzıd da: áí bee díinko yıdaagoşı, áí da'ılıí daadoleełíí ádaat'ee, nohwihíí hasdálkaihíí ádaanoht'ee, áí Bik'ehgo'ihí'naa bits'á'dí'hi. 29Christ daahohdlaago nohwaa godet'aa, áída' doo daái zhá da, bá nohwiniidaagonht'éégo aldo' nohwaa godet'aa; 30Shíí la'íí nohwıí dálelt'eego nohwı'odla' bee nadaagonlkaad, ágát'éégo nagonshkaadíí daashoh'ıjı ni, la'íí t'ah nagonshkaadíí sha'ikodaanoşı.

**2** 1Áík'ehgo Christ bíl dała'á daandlıjıhíí bee bidag ádaant'eego, la'íí ılı́ daanjóqıhı́ıı bee ılı́ goyılshóqo, la'íí Holy Spirit bíl daandlıjıgo, laadaach'oba'go, 2Nohwinatsekees dała'á ádaanoşı, dálelt'eego ılı́ daanohjıqo le', dała'ágo natsídaahkees, nohwini' dała'á le', áí bee shıł gozhóqgo ádaashinoşı. 3Łaanahkaihı́ıı dagohı́ıı itisgo ádesoh'nılı́ıı doo nohwıtahı́ıı begoz'aa da le'; áída' daanohtıjıgee ídaa daagoch'ıyolba'go nnee la' nohwıtisgo nlt'éégo baa natsídaahkees le'. 4Dała'á daanohtıjıgee doo daanohwızhá ídaa natsídaahkees da, nnee la'ihı́ıı aldo' baa natsídaahkees le'. 5Christ Jesus binatsekeesı́ıı be'ádaanoht'ee le': 6Án Bik'ehgo'ihı́'naa nlıjı ndi Bik'ehgo'ihı́'naa yıl dała'á nlıjıgo doo yota' da ni: 7Áída' áí its'á'zhı' áyı́ııdlaago kána'ızıidhı́ıı

át'ééhíí k'ehgo ya'ídet'aągo nnee bits'í yee gozłij. <sup>8</sup>Áídí' nnee k'ehgo nyáągo ídaagoch'iyolba'go Bik'ehgo'ihí'nań yíkísk'eh at'éégo da'itsaah yuńe' ch'ínyáá lęk'e, tsį'ihna'áhi biká'. <sup>9</sup>Ái bighą Bik'ehgo'ihí'nań dážhó da'itiséyú binesdaa, ła'íi hizhiihíi dawa bitisgo at'éhi bizhi' bá áyíłaa: <sup>10</sup>Áík'ehgo yaaká'yú ła'íi ni'gosdzán biká'yú, ni'gosdzán bitł'ááhyú gólínií ałdó, dawa bich'į daahilzhiish doleeł, Jesus bizhi' hójíígee; <sup>11</sup>Ła'íi hadíi yádaatł'íi daantłíígee Jesus Christ dawa yeBik'ehń nłij daanii doleeł, Bik'ehgo'ihí'nań nohwiTaa ba'ihégošj doleełhíi bighą. <sup>12</sup>Áík'ehgo šił daanohshóni, doo dáshináál zhągo da, ndi k'adíi doo shináál dadá' ndi, dávik'ehn da'dohts'ag n'íi k'ehgo, Bik'ehgo'ihí'nań daadinolšigo daadohtłidgo daanohwíi hasdánohwidí'niłhíi łaadaht'ęgo nabik'ída'ohsiid le'. <sup>13</sup>Bik'ehgo'ihí'nań bił goyılshóóníi hádaaht'įigo ła'íi be'ádaanoht'eego ánohwıłshíhíi bighą nohwiyi' na'iziid. <sup>14</sup>Doo nt'é bee nadaadoht'įi dago, ła'íi doo łahadaadoht'áh dago baa nahkai le'. <sup>15</sup>Áík'ehgo doo nohwaa dahgosit'aa dahíi ła'íi doo ncho'go natsídaahkees dahíi, Bik'ehgo'ihí'nań bichągháshé doo nt'é bighą nohwił daach'iteh dahíi bee ch'į'nah ídaadinolzi, nnee daancho'go ádaat'eehíi ła'íi dabíi zhą daabik'ehgo ádaat'eehíi bitahyú ni'gosdzán biká' nohwits'ą' dindłáád; <sup>16</sup>Yati' be'ihí'naahíi nnee dawa bich'į bił dahdaadołnih; áík'ehgo doo ch'éh itah nniyáá dahíi bighą, ła'íi doo da'łłíizhi' na'síziid dahíi bighą šił gozhóq doleeł, Christ nádáhíi bijii. <sup>17</sup>Bik'ehgo'ihí'nań nt'éhéta baa hi'ne'híi k'ehgo nohwi'odłą' baa hiné'dá' shíi baa ídensht'aągo shidił ałdó' baa hiné'yúgo, baa šił gozhóq doleeł, ła'íi daanohwigha nohwa'ashhahdí' šił gozhóq doleeł. <sup>18</sup>Da'áihíi bighą nohwíi ałdó' nohwił daagozhóq le', sha'ashhahdí' nohwił daagozhóq le'. <sup>19</sup>Jesus nohweBik'ehń ba'oshłíigo dák'adégo **Timótheus** nohwich'į' dish'aa, nohwa'íkodaaniisjiihíi šił goyılshóq doleełhíi bighą. <sup>20</sup>Dzaągee án zhą dała' bił natséskees, án zhą nohwá nłt'éehíi hát'į. <sup>21</sup>Ła'ihíi dabíi nadaabi'dintł'ogíi zhą yaa natsídaakees, Jesus Christ binasdziidíi doo yaa natsídaakees da. <sup>22</sup>Ndihíi **Timótheus** nłt'éégo ánát'įiłgo bídaagonolšj, nnee biye'híi k'ehgo yati' baa gozhóni itah bee yáhiilti'go shich'ozni'. <sup>23</sup>Hagosa' shich'į' ágot'ee doleełíi bígosłšjįdgo, dagoshch'į' nohwich'į' dish'aa doleeł. <sup>24</sup>Ła'íi shíi ałdó' déł'įhégo nohwich'į' disháhgo nohwe Bik'ehń ba'oshłíi. <sup>25</sup>Epaphrodítus, shik'isn, bił na'isiidi, ła'íi Bik'ehgo'ihí'nań bá siláada bił nshłini, nohwich'į' nádish'aago dávik'eh šił nsj, án shich'į' daadisoł'a' n'íi, áík'ehgo hadíi bíđih nshłinií shaa yihiniłgo shich'ozni'. <sup>26</sup>Áń nohwaa ch'įná silij, ła'íi nniihgo ba'íkodaanohshíhíi bighą biini' łaq. <sup>27</sup>Yóiyahgo nniil ni', dasdozhą daztsą, áída' Bik'ehgo'ihí'nań baa ch'ozbaad; doo dabíi zhą da, shíi ałdó' shaa ch'ozbaad, doo ágát'éé dayúgo doo šił gozhóq dahíi da'itiségo doo šił naagojog da doleeł ni'. <sup>28</sup>Áík'ehgo dážhó háshł'įigo nohwich'į' deł'a', nádaaohłtsągee nohwił daagozhóq doleeł, áík'ehgo shíi dá šił dégots'íid doleeł. <sup>29</sup>Ái bighą nohweBik'ehń biláhyú dážhó nohwił daagozhóqgo náadaołteeh; nnee ágádaat'eehíi daadinolšj; <sup>30</sup>Áń Christ yána'iziidhíi bighą dasdozhą daztsą, bi'ihí'na' doo yaa bił goyéé dago, hagoł'éégo shich'odaahnii doleeł n'íi qął shá áyíłaa.

**3** <sup>1</sup>Ik'ézhì'go shik'íyú, nohweBik'ehñ biláhyú nohwił daagozhó' le'. Da'ái baa nohwich'í' k'ena'ishchihí doo shá nyee da, nohwí nohwá nzhq. <sup>2</sup>Góse k'ehgo daanliiní baa daagonohsaa, nchq'go ánadaat'ííllí baa daagonohsaa, hadí bikágé nailgésí, ła'í nohwikágé nadaahołgéés daanohwiłniihí ałdó' baa daagonohsaa. <sup>3</sup>Néé da'anii circumcise ádaabi'deszaahí daandli, Holy Spirit binkááyú Bik'ehgo'ihí'nañ daahohiikaah, Christ Jesus zhá baa da'óndlii, danéé nohwi'at'e'í doo bee ídaa da'ohiidlii da. <sup>4</sup>Áidá' shíí bighane golíígo ída'oshdlí. Nnee ła' nt'é yee ída'odlíyúgo, shíí itisgo at'éehí bighá ída'oshdlí: <sup>5</sup>Gosilíí' tsebíská'ago circumcise áshí'delzaa ni', Israelite nshíni, Benjamin hat'í'í bits'á'dí, Hebrew nshíígo shimaa hik'e shitaa biłgo Hebrew daanlii ni'; Bik'ehgo'ihí'nañ yegos'aaní baa yách'ílti'yúgo bikísk'eh ánsht'eego Pharisee nshíi ni'; <sup>6</sup>Jews da'okaaahí dahot'éhé bee oshkaahí baa yách'ílti'yúgo, ínashood daanliiní biniidaagonłt'éégo ádaansí ni'; Bik'ehgo'ihí'nañ yegos'aaní bik'ehgo dábik'ehyú ánsht'eehí baa yách'ílti'yúgo, doo shaa dahgoz'aa da ni'. <sup>7</sup>Ndihí áí dawa bee sist'íid n'íí Christ bighá shich'í' doo nt'é da nasdlííhí k'ehgo baa natseskees. <sup>8</sup>Christ Jesus sheBik'ehñ bígonsihí dážhó íllíhí bighá dawahéhí shich'í' doo nt'é da nasdlíí: án bighá dawahéhí k'ihzhí' nyiiné'híí bighá bił ch'ígódéehí k'ehgo bił oshtag, bidená Christ hisht'íi doleehí bighá, <sup>9</sup>La'íí Christ bił dała'á nshíígo shígózi doleehí bighá, doo Jews bich'í' begoz'aaní bikísk'eh ánsht'eehí bighá dashíí dábik'ehyú ánsht'ee da, áidá' Christ hoshdlaahí binkááyú zhá dábik'ehyú ánsht'ee, áí dábik'ehyú ách'ít'éehí Bik'ehgo'ihí'nañ bits'á'dí'hi at'éé, ko'odla'íí bee: <sup>10</sup>Christ bígonsiñ hasht'íí, ła'íí binawodíí daztsaad' naadiidzaahí bee ch'í'nah alne'íí bígonsh'aah ałdó', ba'ashhahd' shiniigonłt'éé doleelgo, ła'íí án datsaahdá' át'éé n'íí k'ehgo ánsht'eego hasht'íí; <sup>11</sup>Hagot'éégo bígonedzaayúgo zhá nanezna' n'íí naadiikáhgee shíí ałdó' itah deshleełgo hasht'íí. <sup>12</sup>Shíí doo hwahá bee shaa gonáh da, doo hwahá dážhó nzhqo hishleeł da, ndi ágánsht'ee doleehí bighá dayúweh baa hishaal, Christ yighá hashíitíiní łaashle' doleelgo. <sup>13</sup>Shik'íyú, shíí áí doo hwahá łaashle' dago bígonsi: áidá' shiké' ínááyú ágot'eehí baa yishnahdá' dała'ágo goz'áni zhá baa hishaal, shádihyú ágot'eehí zhá bich'í' dahnshdqhgo, <sup>14</sup>Ngont'í'gee na'desdzogí bich'í' hishwoł, áí Bik'ehgo'ihí'nañ Christ Jesus biláhyú yaaká'dí'go bighá nohwich'í' anííhí honsbiih doleehí bighá. <sup>15</sup>Áík'ehgo halaq, Holy Spirit bee bayán daasiidliiní shíí ánsht'ee dishniihí k'ehgo baa natsidaahiikees le': áidá' dant'éhéta łahgo baa natsidaahkeesyúgo Bik'ehgo'ihí'nañ nohwił ch'í'nah áile' ndi at'éé. <sup>16</sup>Ágát'éé ndi íłk'ídá' bídaagosilzjídíí nłdzilgo daahóntá'go bikísk'eh ádaant'ee le'. <sup>17</sup>Shik'íyú, dała' daanohíígo shedaal'íí, nohwí bikísk'eh ihí'naahí nohwá ádaasiidlaa, áiyikísk'ehyú ádaat'eehí daaneł'íígo bídaagonołsı le'. <sup>18</sup>(Nnee ła'ni Christ bits'íłna'áhi yik'edaanniihgo nadaakaihí baa nohwiłmanágosh'nih, k'adií shináátú nálíídá' nagoshni': <sup>19</sup>Áí bendaagoyaago da'íllí daadoleel, bibidíí binant'a' ádaayıłsı, bik'ee ídaayágosı doleel n'íí yee ídaada'odlíí, ni'gosdzán biká' ágot'eehí zhá yaa daabiini'.) <sup>20</sup>Áidá' néé nohwini'íí yaaká'yú goz'aa,

áídf' Hasdánohwiniíhíí Jesus Christ nohweBik'ehñ nádáhíí bikádaadét'íí:

<sup>21</sup>Dawa dabíí yebik'ehgo áyíłsigo binawodíí yee yínel'ąahíí k'ehgo, nohwits'í baagoch'oba' n'íí dabíí bits'í bits'ą'đindíhíí k'ehgo łahgo ánáidle' doleel.

**4** <sup>1</sup>Áík'ehgo shik'íyú, dážhó shíł daanohshóni, nohwaa ch'íná nshłíj, baa shíł gozhóni daanohłíj, nohwíí ch'ah **hobíjhií** k'ehgo hosíłbaąahíí shá daanohłíj, dážhó shíł daanohshóni, nohweBik'ehñ biláhyú ndzilgo nasozíj. <sup>2</sup>Euódias nánoshkąąh, Síntiki ąłdó' nánoshkąąh, nohweBik'ehñ biláhyú nohwiini' łałt'ee le', dishniigo. <sup>3</sup>Dani nił naki dishł'éhi, ni ąłdó' nánoshkąąh, díí isdzáné bich'odaanníih, áí yati' baa gozhóni baa na'goni'gee bił nada'isiid ni'; Clément holzéhi hik'e ła'ihíí bił nada'isiid n'íí ąłdó' biłgo, dawa naltsoos be'ihí'náhi biyi' bizhi' dahnagoz'ąą.

<sup>4</sup>Dábik'ehñ nohweBik'ehñ biláhyú nohwił daagozhóqle': ágánánohwiłdish'nii, Nohwił daagozhóq le'. <sup>5</sup>Dawa bich'í daanohshooníí nnee nohwá yídaagołsł le'. NohweBik'ehñ athánédí' nádaał. <sup>6</sup>Doo nt'é bighą nohwiini' łaą da le'; áídá' ihédaanohsigo dawa bighą Bik'ehgo'ihí'nañ nádaahohkąąh, nt'é hádaaht'iinií bił nadaagołni'go bídaahohkeed. <sup>7</sup>Áłk'ehgo iłch'í'gont'ééhíí Bik'ehgo'ihí'nañ kaa yiné'íí bígoch'íłsiníí bitisgo at'éhi nohwíjł hik'e nohwinatsekeesíí biyi' gołłigo nłt'éégo áyíłsł, Christ Jesus biláhyú.

<sup>8</sup>Iké'yúhíí, shik'íyú, nt'éhéta da'aníihíí, nt'éhéta dilziníí, nt'éhéta dábik'ehyú át'ééhíí, nt'éhéta doo ncho' zhińéé dahíí, nt'éhéta dážhó nzhooníí, nt'éhéta nłt'éégo baa ch'iniíhíí; dážhó nłt'ééyúgo, ba'ihégołsł bik'ehyúgo, díí baa natsídaahkees. <sup>9</sup>Shits'ą'dí' bídaagosłsłjđgo nádoné'íí dawa, shits'ą'dí' da'desots'ąą n'íí ąłdó', ła'íí be'ąnsht'eehíí daah'íí n'íí, díí k'ehgo ádaanoht'ee le': áłk'ehgo Bik'ehgo'ihí'nañ iłch'í'gont'ééhíí kaa yiné'íí nohwił nłjł doleel. <sup>10</sup>NohweBik'ehñ binkááyú dážhó shíł gozhóq, k'adıí áníita zhą shaa nohwił nádaagoyéé; da'anii shaa nohwił daagoyéé ni', ndi doo hagot'éégo bídaaneł'ąą da ni'. <sup>11</sup>Doo nt'é bíđih nshłíj dishnií da; hagot'éégo hinshnaahíí shíł da'ákohgo bígoł'ąą. <sup>12</sup>Débaagoch'oba'ągo hinshnaahíí bígosłsłjđ, dawahá shich'í' ch'ída'izkaadgo hinshnaahíí ąłdó' bígosłsłjđ: da'ádzaayú ła'íí dawa bee, ná'ch'íłđjhií ła'íí shiná', dawahá ch'ída'izkaadíí ła'íí dawahá bíđih nshłíjhií baa shíł ch'ígót'ąą. <sup>13</sup>Christ shinawod shá ágółsiníí biláhyú dawa ashłéhgo bínensh'ąą. <sup>14</sup>Ágát'éé ndi shich'í' nagont'ogee shich'odaasoni'íí nłt'ééyú ádaahdzaa. <sup>15</sup>Áídá' Philippigege daagonohłni, yati' baa gozhóni dantsé begodeyaago Macedóniadí' dahdiyaadá, ínashood ha'ánáséh nagoznilíí doo ła' shich'ozni' da, nohwíí zhą shich'odaasoni', iłdenągo łađadaahi'né'íí zhińéégo. <sup>16</sup>Thessaloníca golzeegege sidáádá' ndi bíđih nshłíjhií bighą zhaali bee shich'onádaahniíh ni', doo dałándi zhą da, nakidn ni'. <sup>17</sup>Doo nt'é shaa hi'né' hást'íłhíí bighą dishnií da: łaągo nohwá ínagodáhgo nohwich'í' goldohíí zhą nohwá hást'íł. <sup>18</sup>Bíđih nshłíj n'íí shaa hi'né' dážhó bitisgo łaągo: da'áiígee dáshik'eh, shich'í' ádaasolaa n'íí Eaphrodítus shaińil, áí Bik'ehgo'ihí'nañ baa bi'niíłł ıkagolchini at'éégo dá bił bik'eh, bił gozhóqgo náidnné'hi at'éé. <sup>19</sup>Bik'ehgohinshnañ

nt'é bídìh daanohtìiníí Christ Jesus dawa ch'ída'izkaadgo hágołdzilíí bee nohwá ágoléh. <sup>20</sup>Bik'ehgo'ihí'nań da'áí nohwíTaa ba'ihégoşı le', dahazhı' doo ngonel'ąą dayú. Doleełgo at'éé. <sup>21</sup>Ínashood daantı́ıgee Christ Jesus biláhyú, Gozhqó, shá daabiłdohñii. Nohwik'isyú bił naháshtaaníí, Gozhqó, daanohtwiññii. <sup>22</sup>Ínashood dawa, Gozhqó, daanohtwiññii, **Caesar** yił daagolíni áí zhá bitisgo. <sup>23</sup>NohweBik'ehń Jesus Christ biłgoch'oba'íí daanohtwigha bee nohwich'ı' goz'ąą le'. Doleełgo at'éé.